



## Zbog anonimne dojave o bombi

# Izvršen KDZ pregled na Sarajevskom aerodromu



Foto: Klix.ba

Na Međunarodnom aerodromu u Sarajevu sinoć je obavljen kontradiverzioni pregled zbog anonimne dojave o bombi. Portparolka Granične policije BiH Sanela Dujković, je kazala da je na Međunarodnom aerodromu sinoć obavljen kontradiverzioni pregled putnika, kompletnog aviona i svog prtljaga u skladu sa procedurama, a po zaprimljenoj anonimnoj dojadi o bombi oko 21 sat kojom je najavljeno ugrožavanje sigurnosti civilnog vazduhoplovstva. "Putnici su evakuirani, a budući da se radi o ozbiljnom kontradiverzionom pregledu, on je potrajao do 23 sata. Nije ništa pronađeno, a kontradiverzioni pregled je urađen po propisima i procedurama", kazala je Dujković, prenosi Klix.ba.

O aktivnostima na Međunarodnom aerodromu Sarajevo upoznate su i druge policijske agencije na državnom nivou - SIPA, Ministarstvo sigurnosti, Federalna uprava policije, MUP Kantona Sarajevo i Uprava za direktno oporezivanje, te sigurnosni sektor javnog prduzeća Međunarodnog aerodroma Sarajevo.

Avion turske kompanije se sinoć nalazio na pisti, a oko njega je bio veliki broj policijskih automobila i putnika. Avioni koji su slijetali su se zaustavljali na drugoj strani piste, na većoj udaljenosti od tog aviona. Nezvanično, radilo se o prijetnji vezanoj za avion koji je sinoć doletio iz Istanbula.